



石倉世纂

道腴堂詩集

第卅





乾隆 年 春 鐫

諸名家鑒定



世範

五畝



序



天地精華之氣大者經



日月而行江河語小至

於蟲魚草木纖微難狀

之物皆是焉其在人則

蔚爲文辭用以發皇靈
異杼闡立與而間氣所
鍾不可以數數覲故才
不難於散出而難於聚
處聚而在一家難之尤

者也海上爲雲間巖邑
大海環帶鯤鵬之變化
雲霧之蒸蒼地靈而人
文萃焉曹氏南渡鉅宗
代有偉人外翰半霞公

與余為袁殷之戚己巳
仲夏其從子誕文以所
輯石倉世纂一書示余
蓋家學淵源不朽之業
胥在是矣間嘗考之往

代如梁劉孝綽三昆齊
名唐之玉溪花萼竇氏
聯珠前明若吾婁麟鳳
二洲賴皆連鑣藝苑為
千載美談今麓蒿巢南

春浦三公俱以皮陸高
踪精於吟咏濟寰公復
彪炳於石渠虎觀之間
和其聲以鳴

國家之盛一門風雅輝映

後先以方曩哲庶幾近
之昔鍾嶸云羣倫有龍
鳳五音有笙竽此品陳
思王詩也司空圖論詩
云梅主於酸鹽主於鹹

五
月
四
五味不可無鹽梅而其
味在酸醎之外譙國諸
先生競藻揚芳各臻堂
室古人有言先得我心
矣抑又聞之丁公雅之

祖顛聚書八千卷曰必
有好學者爲吾子孫宋
氏蘇氏咸以文章世濟
其美誕文爲德門後起
之英雅能詠誦清芬表

彰駿烈知繼繼承承流
澤綿遠才之聚也正未
有艾茲編特爲之始基
耳若夫體制美備文采
繽紛譬入波斯之市珠

貝爛斑應接不暇各序
旣著其詳茲不更贅云
時

乾隆歲次己巳仲夏下
澣婁東梅冶王暮序

昆西軒昆仲有宗誼時
來於青予因得識其為
人相狎相愛垂四十年
每為予言上之曹氏續
書績學為浙西諸郡冠

冕予心識之不敢忘諸
子安曾少嘗受業於予
而壻於曹茲携石倉世
墓相示且以弁言為屬
始得快讀諸集大抵各

有根柢各有家數貌不相齟而同歸於理法之至當洵足傳世無疑至四馬齋奏既侃直不撓事理詳盡文尤以人重

矣昔人之言之不文行之不遠是文者所以傳其人也而予以為文尤賴人以傳蓋遠必資于近行必資乎守彼支梁

園月冷金谷花殘冷雨
寒烟風流歌絕古今文
人學士對簡殘編零落
於蓼州中者不知其樂
矣故必有其人則知所

以守此有能文之人則
知守之不替而行之不
敢稍緩此理之固然也
夫天之生才良非易也
山川靈泮之氣每間五

而一發今欲聚靈淵之
氣於一門且連綿繼續
世濟其美此固天之所
靳而不輕與者若今石
倉世纂流播海內其人

其文交相為重雖古王
謝何以加焉予馬齒踰
耆後嗣衰替偶有著述
随手散盡讀石倉之世
纂所為流連太息而不

能自己也抑予竊有幸
焉三都賦就得皇甫之
序而聲價益高若予
之不文豈足為石名重
而序得藉集並行則附

驥之蠅亦足千里謂非
予之深幸也耶因次其
語於卷首

晉

乾隆己巳花朝前五日

青浦楊陸榮拜題

石倉世纂總目

同里顧行書時年九

十有一



石倉世纂總目

海上曹錫黼菽圃編訂

上函

第一冊 道腴堂詩集 四卷

第二冊 放言居詩集 六卷

第三冊 長嘯軒詩集 六卷

第四冊 四馬齋詩集 六卷

附梯仙閣餘課

拂珠樓偶鈔 二卷

下函

石倉世纂總目

第五册 四馬齋文集 一卷二卷

第六册 四馬齋文集 三卷四卷

第七册 四馬齋文集 五卷六卷

第八册 四馬齋文集 七卷八卷

第三册 嗣輯 世纂補

第二册 菽圃藁

寶山公年譜文林公童子言遂安公五石山房著
述六種劒亭初稿四卷已刻問世茲不次入

總目畢

長洲王九成書
華亭丁鳴和鐫

石倉七集

道腴堂詩集

吳淞當有元之季玉山顧德輝開林亭延賓友風雅翕
集迭唱更酬厥後袁景文顧謹中管時敏之徒揚芬嗣
響相繼以其詩鳴然當時騷壇主盟為吾鄉楊鐵崖維
禎從之游者沿其餘習流為纖靡淫麗而海叟諸公獨
能不為所染卓然大雅蓋雲間之詩之盛有自來矣上
海曹麓蒿先生自少稱能詩鄉人董蒼水負海內重名
見先生所作賞歎不置先生遂居門下昕夕揚扃賦物
緣情持律益嚴直臻堂與生平吟藁甚富而嬾不自惜
散佚頗多今所傳百五十篇皆其文孫劔亭得之口授
之餘而私自編錄者也當先生在時諸子咸請裒輯開

道腴堂詩集
一
雕先生雅不欲遽見逡巡久之迄以弗存學者多以不
得窺先生全豹為遺恨云先生壽登八十餘偉為江南
耆宿其從子一士子同年友也故能習知先生然傾心
久矣而卒未得見耿耿予懷今劔亭與其從弟誕文鉞
先生遺詩予得而讀之竊附數語於卷端以志希慕之
意焉爾錢塘王延年

道腴堂詩集目錄

卷一

五言律三十首

卷二

七言律五十二首

卷三

七言律五十六首

卷四

五言絕句三首

七言絕句二十三首

卷四

目錄畢

卷三

五言詩五十六首

卷二


五言詩三十一首

卷一

五言詩三十一首

道腴堂詩集卷一

海上曹煜曾麓高著



男

傑士電發

孫

錫寶鴻書

姪孫壻葉承子敬

錫袞補亭同較

姪孫

錫黼誕文

五言律

城西探梅

城西多勝地策杖為尋花月淡羅浮夢香清處士家偶
來詩欲就深坐酒頻賒寄語江天笛休吹感物華

冬夜有感次為章弟韻

擁衾如擁雪強起就壺觴濁酒寒無力疎花凍失香
養生思絕慮却病覓奇方卒歲殊無計蕭然我已忘

自適

自適緣從好逍遙半畝閒腰和梅共瘦雲與意俱閒
綠上春回草青還雨後山杖藜尋壑去終日聽潺湲

新春與張學之日晤祖望弟齋喜賦二首

我愛張平子春來逸興同詩吟草閣雨棋響竹樓風
性僻堪名嬾顏衰足號翁幾時垂釣去煙水正空濛
樂事誰堪共風流有季方龍睛晨潑墨烏鬚晝聞香
月淡因新霽梅開妬曉粧此時一尊酒主客話偏長

遊圓通寺

幽絕圓通寺登臨愜素情亂峯含落日積翠擁山楹
地僻聞禪誦心閑聽鳥鳴此中堪永日相對說無生

富陽道中次金星槎韻二首

日暮富陽道林昏莫辨花亂雲封遠岫淡月護平沙
感舊情無限澆愁酒不賒舟行風正好漁火逐江斜
離家纔數日篷底見山花飛瀑噴殘雪歸帆漾夕沙
韶光客裏過幽興夢中賒醉眼模糊處煙雲萬疊斜

七里龍次星槎韻二首

兀坐看山色晴嵐翠欲飛高峰兩岸起孤寺一僧歸
松

道明堂詩集卷一
老龍成甲苔深石綴衣每逢佳絕處心賞便忘機
夙有探奇癖今來逸興飛水窮山忽轉雲起鳥初歸恠
石疑蹲虎驚湍欲撲衣悠然蓬底坐松籟發清機

常山道中二首

晨發常山道肩輿度嶺西玉龍花乍發廣濟日初低挾
瑟多違俗凌雲誰作梯石門登眺處古墓望中迷
四圍蒼翠裏點點露青螺春色涵墟落晴雲抹遠窩幽
禽閑自語細水靜無波會得此中意疎狂一放歌

地有趙鼎墓

憶兄

早年失怙恃手足誼尤敦雪案書同校花晨酒共尊飢

驅憐馬首衰白憶鴿原豈爲無魚歎情深返故園

蓮勝菴

向晚理輕策禪林偶獨行孤亭斜日影萬竹送秋聲地
僻心俱寂身閑夢亦清講堂留暮靄香氣繞前楹

宿儲潭

飛峰斜照裏客路暫停橈官舍依山宋神宮歷代遙還
家今夜夢別思隔船簫看徹浮生理深林歸暮樵

歸家後生計蕭然感賦

愁客思歸好歸家愁轉親門敲催稅吏甌掩落花塵晤
對依高士悲歌感昔人丈夫青鬢在不用淚沾巾

寄李龍門二首

昨歲同晨夕官衙恣笑言我歸逢木落君住又春温楊柳微風岸梨花細雨邨章江景色好誰共倒青尊故人具尺素招我意諄諄筆短情難盡形疎誼轉親攜柑聽鳥語結宴坐花茵寄謝天涯客長征休復論

九日飲為章東軒分韻得山字

東軒落照裏秋色最爛斑有菊便可意看花真箇閒棋從貪處失詩向老來刪沉醉忘重九頽然倒玉山

初冬散步

正及小春候晴和勝異時鳥聲喧萬樹日影碎重籬岐

路何須泣閒行任所之偶思乘興飲隔水酒帘欹

飲紫藤花下

河水綠如染藤花香更清春光忽已暮對此不勝情霧起綠燈合雲開讓月行衰顏容易醉未許戀深更

不寐

殘燈明復滅倦枕髮蓬鬆犬吠深巷月雞鳴遠寺鐘緼袍呼婢補脫粟倩人春卒歲無長物蕭然一老農

歲暮東學之次為章韻

冬日半晴陰驚風起暮林墨痕呵凍淺雀語啅花深道在寧藏器知希嬾碎琴春光看轉眼沽酒共招尋

道服堂詩集卷一
四
贈顧緘三三首

世路誰相契知君獨有吾猖狂同阮籍清潔類倪迂許
友心偏壯逢時計轉愚雄心如可就事業付桑榆
堂前兄弟少爾獨任承歡豈愛風塵好其如甘旨難暑
清留皓月香動入幽蘭此際荷衣就還同舞綵看
友誼推先世交情歷久要我時方州角君亦正垂髫共
着秋山屐常攜夜雪船只今敦舊好風雨話良宵

雨不止

閉戶焚香坐瀟瀟雨不休簷聲愁裏滴鳩語倦中投花
事已如此春光何處留獨餘吟興在握管上高樓

晚步

徙倚柴門外天空夕照收炊煙寒碧瓦嵐氣暈銀鈎自
顧誰青眼相看盡白頭歸來眠不穩高閣聽更籌

偶成次諤廷姪韻

獨倚胡牀久相看有阿誰貪書忘帙亂微倦放頭欹果
熟烏先覺茶甘叟獨知蕭蕭楓葉下却是爲催詩

初冬夜即事次祖望韻

露零知地潤霜重覺天空小屋祇容膝低簷不受風已
知竿是好莫歎瑟偏工幸有殘編在相依蠟炬紅

道腴堂詩集卷一

[Faint bleed-through text from the reverse side of the page]

道腴堂詩集卷二

海上曹煜曾麓高著

男

傑士雷發

孫

錫寶鴻書

錫袞補亭同較

姪孫塔葉 承子敬

姪孫

錫黼誕文

七言律

瓶花落硯池和包介玉孝廉四首

裊裊瓶花着意開飄零偏向墨池隈已教力盡無風墮

放翁詩瓶花力盡無風墮

恰似春殘入硯來木筆含香沾弱水松滋和

帶散輕煤自憐搖落從騷雅不作殘粧傍鏡臺

寂寞金胡送落英端溪占斷暮春情文心已倩花為染
斑管何須夢裏生蜂渴抱鬚窺硯沼蝶狂撲瓣浸龍睛
雖然老眼看如霧半勺寒泉分外清
鸞膠莫續怨天公舉案驚看一片紅紫玉有情埋艷質
素瓶無計挽春風憑將栗尾歌離恨好托霞箋訴別衷
此日後庭誰覓得那知祇在硯田中
瓊英落去最難堪色相空時境飽諳如意錯疑飛佛爪
軍持那可貯優曇一痕墨汁凝香霧幾片紅霞映石潭
悟得無生三昧訣拈來且作雨花談

懷彙初兄

何人寶劍倚蒼冥匣走龍蛇海甸驚蜀國小蘇悲伏櫪
雲間大陸擅先聲天當極北寒生樹春發長安花滿城
聖代即今崇對策錦衣格外聽啼鶯

蠟梅用為章弟韻

滿樹風霜歲未還亭亭獨傍畫樓間不隨白雪誇瓊質
却羨黃芽駐玉顏金屋晚粧香入夢銅龍曉色霧為鬟
此身合在瑤臺上暗引春光蜂蝶閒

書齋偶成次祖望弟韻

殘冬候煖恰風恬旭日曛曛射曉檐貪聽禽聲時隱几
怕遮山色半鈎簾囊空祇恨酒難繼家儉偏驚丁倍添

道州堂詩集卷三
二
差喜跣趺遠世事心花開處不須拈

吳淞漁樂

水闊吳淞江上波漁翁家在好婆娑廟前網掛新晴雨
開口潮衝舊釣蓑白浪輕風三尺鯉綠楊斜日一聲歌
賣錢換得前邨酒鷗鳥無心亦肯過

閒居

莫道閑居無勝事窗軒汎掃可徜徉青城道士探瓊笈
錦里先生贈彩章寺遠鐘聲沈暮雨簷低雲影落空塘
何須策蹇尋幽去客路風煙正渺茫

送錢伯良入都赴選

吳淞江濶片帆疎二月春寒帶雨餘茂苑鶯啼花正發
廣陵草綠柳初舒綸闈恰值招賢日竹馬行看擁使車
獨有故人淪落久年年空對一牀書

寒月

狼籍杯盤罷晚餐巡簷又見月將團與梅添却三分瘦
和露釀成一片寒已是生涯傷寂寞况聞鄰曲話辛酸
浮雲休傍高樓過常得清光照夜闌

秋日感懷次王鴻資韻四首

海城風景似遐陬客到棲遲自可留郢曲調高誇白雪
江天木落動悲秋丹楓平野迷猿穴白浪春申壓鳳樓

愧我吟懷苦未得何時策杖賦同遊
秋到江亭一雁歸登臨回首夙心違
途窮不灑千行淚骨傲偏宜百結衣
自笑素懷空骯髒最憐今日盡輕肥
吾生幸有煙霞志煮石烹泉可療飢

病骨強支似老翁生涯半付酒杯中
吟殘詩卷憐書蠹釣入春申愧夢熊
四面奇峰秋似夏一簾黃葉雨和風
何須對景悲搖落慷慨襟期自古同

登臨高閣暮雲迷萬里煙光草色淒
夜月誰占雙劍氣秋風空老紫騮嘶
忍教冷煖從人態且慰窮愁種廢畦
耕讀尚餘書史在他年還許照青藜

玉山道中

征囊遙度草平西水滿池塘菜滿畦
板屋茅簷嘗綠蟻荒原落日聽黃鸝
越山盡處風光異吳客來時鄉語迷
最是旅懷愁絕裏孤城宋歷暮鴉啼

夜泊汪村次韻

風起天涯客袂涼溪流曲曲似迴腸
孤邨帶雨人家少獨樹維舟野岸荒
偃蹇青衫堪下淚蕭疎綠鬢漸成霜
欣逢好友頻酬唱白雪吟成貯一囊

弋陽道中

晴日輕風送客舟無邊景色望中收
參差紅樹藏村舍

道服室詩集卷二
四
掩映青山綴小樓石室如困懷隱跡錢倉若廩溯漁舟
弋陽江上溪流照盡年年羈旅愁

宿河口鎮候九和彙初兩兄舟不至

風急灘高帆影迷扁舟獨夜宿沙堤唱酬暮雨欣同調
兄弟天涯又暫攜孤棹月斜寒犬吠隔溪人靜竹雞啼
有懷此夕難成寐何處歌聲度碧溪

早發廣信

南屏山外放輕橈起視朝暎映小橋野鶴帶雲衝斷岸
淡煙和霧抹山腰溪因水碓流偏急樹為霜侵葉漸凋
莫道吳儂詩思迫棹頭景色儘堪描

豫章雜咏

豫章城外水溟溟春色無邊儼畫屏天寶金龍傳勝跡
松門石鏡徹空冥桑麻尚憶秦人洞風節猶存孺子亭
挈伴高樓拌一醉黃鸝樹上正堪聽

登八鏡臺

八鏡臺高俯大荒憑闌極目對蒼茫南來山色崆峒壯
北去江流章貢長風急鷓鴣啼上下秋深橘柚飽風霜
登臨莫道蕭疎甚贏得新詩貯滿囊

八月十六日遊通天巖四首并序

巖為贛邑勝地離城二十里曲徑紆迴茂林掩

映數尋峭壁環遶山巔上刻龍虎神像其下石
屋二三間即寺僧焚修處有東坡先生題壁數
行字畫端勁墨跡如新繫以年月紹聖四年八
月十六日也予既喜與先生來遊先後同時又
自愧無才不能捉筆和墨聊誌數語并綴四律
以紀一時之興云

當年學士登臨地愧我來遊亦此辰千載風流同一笑
數行翰墨獨如新秋聲蒼莽餘今古山色參差歷劫塵
永日憑高空悵望敢緣指點悟前因
病餘瘦骨強登高策杖追從破寂寥路曲忽疑山徑斷

草鬆贏得馬蹄驕醉來眠石看雲起望裏歸僧渡水遙
吾是江南倦遊客一枝可許寄鷓鴣

高秋地迴絕塵埃石逕蒼蒼長綠苔移得天香風送至
摘殘桐子鳥啣來降龍石像懸崖古鎮武靈祠絕頂開

對巖有
鎮武祠

醉倚忘歸巖畔立此身彷彿到蓬萊

著屐尋幽捫薜蘿小塘水漲動微波垂垂橘柚當巘見
兩兩沙禽傍竹過謁客山僧禮數少可人秋思夕陽多
歸途更約偷閒至何日重來一放歌

卧病

秋來倚枕轉蕭條官舍淒清客夢遙皎潔冰輪如有約

微明燈火伴無聊渴如司馬愁難禁瘦比休文病未消
最是五更岑寂處半天涼雨滴芭蕉

夏日遣懷

崆峒山色照虛堂長夏炎蒸倦倚牀好友公餘頻索句
訟庭人靜共飛觴香清蘭樹亭亭秀韻邑有樹蘭味美林茶淺
淺嘗林茶出定都遙望夕陽暑漸退窺簾蝙蝠遶空廊

山行

竹杖芒鞋度小橋山行深處野花嬌亂峰寒入雲霄迴
疊嶂青排空翠遙傍島小禽窺客過隔谿野叟帶雲樵
懸知茅屋煙浮處隱得高人自可招

閱祖望觀桃有感之作文采爛然余落魄人也對

景增懷亦感而賦此

十分春色到城西刺眼紅桃映水低曾擬芳菲依上苑
可憐委曲傍長堤閒房僧話看霞起竹舍茶煙聽鳥啼
記得去年寒食節滿江風雨正淒淒客歲度州之役是日舟過萬安

送朱遇韓還玉峰

玉峰申水兩相望纔訂交情便束裝耐冷客來雙屐雪
趁潮人去一船霜紙窗竹屋添詩興白酒黃雞樂歲穰
莫歎團沙還復散東坡詩親友如團沙放手還復散江城秋色好徜徉

尋春次祖望韻

道學言集卷二
為尋好景暮春天晴日遲遲似小年黃鳥催殘羈客夢
綠楊低覆賣花船羅衣輕薄風前酒病眼模糊望裏煙
莫怪佳人頻徙倚踏青心事倩誰傳

送繼初弟之贛署

千里名駒迴不凡送行三月燕呢喃殷勤兄弟難為別
珍重家書未易緘南浦垂楊縈客夢雙江細雨帶春帆
縱橫山署清貧甚莫作繭絲民自誠

為章席上喜晤朱柅一

握手論交歲漸窮欣逢嘉客一尊同驚人愧我非工部
枯竹輸君似長公酒淺寒深風料峭月纖雲淡燭朦朧

刺天鸞鵠終霄漢閒殺吳淞老釣翁

雨窗雜詠三首

閒門地迴足盤桓風動疎林葉盡乾已是小春驚節序
那堪急雨溜鳴湍壯心未逐黃花老狂態猶留青眼寒
黯黯劒花頻拂拭幾回搔首向長安

沉沉香霧鎖蒼苔黃菊籬邊獨自開覓句久尋花下步
澆愁且付雨中杯彈將孤劒清光動袖得雙驪皓月來
却笑書生空翫鱗魚龍眼底任相猜

羞將七尺効逢迎剩得殘編手自耕冠履休誇今日盛
鬢眉猶帶舊時情林疎葉送溪邊雨寒薄雲穿竹外晴

最是宋寥堪抱膝吟成梁父劇縱橫

老鸚鵡次諤廷姪韻二首

倦翮何年寄海陰翠襟紅嘴尚清音春殘樓閣尋花夢
秋老簾櫳伴月吟失路才人驚作賦含情宮女漫傷心
自憐老去風流在奮翼還期到上林

堪歎年來生事微關河舊夢竟依稀鷓鴣飲啄情何異
鸞鵠飛鳴願已非暮雨芸窗栖倦羽曉風佛號息塵機
縱教飛向雲霄去留取金籠待早歸

讀楞亭師遺稿感賦二首

策就天人道自尊共驚雲夢已全吞容臺書畫家聲舊

少宰衣冠祖德存虛閣卧花看舞蝶晴山挾客醉芳樽
遙思杖履追從處坐向春風笑語溫

讀罷遺編涕暗流名山事業倩誰收空傳錦里悲秋句
不見霞箋入選樓羌笛歌殘人似玉蹇驢客醉月如鉤
綠知死後光芒在碧落雲消燦斗牛

歲暮雨不止次爲章韻

重簾雖捲日昏昏水漲芳塘波又翻暮雨朝雲酣客夢
冷煙濕雪鬪柴門書裁金剪嫌窗暗花澀銅瓶倩火溫
試上高樓憑檻望城南城北暗消魂

排悶二首

斜行矮紙學來禽斷簡殘編信口吟手冷欲書先自怯
書忘偶檢不名淫北山安用馳煙驛南郭誰知隱几心
勘透浮生真大夢逍遙莫笑入山深
蕭然自許葛天民短褐行吟類散人鼠為饑驅憐出穴
雞綠寒噤嬾司晨鏡中霜鬢雖全老夢裏榮華却似真
莫道身閒無樂事滿庭風月夜來新

贈古林上人

竹杖芒屨與幅巾溪山冷處著閒身蒼崖石靜松千尺
秋水波澄月一輪說法天花隨意落談經魚鳥自來親
道人欲悟無生理敢向蒲團一問津

送霖蒼姪之贛署

阿宜欲別重徘徊無限離情寄一杯千嶂綠深懷玉驛
片帆影落釣魚臺燕歸異國原為客木不干霄豈是材
好到章江理舊業秋風還憶故園來

寄張長源

知交已作經年別老我離居又落花江上耽詩慚杜甫
人間博物數張華魚腸劍吼寒星動龍爪書翻醉墨斜
欲寄相思無限意亂山千疊暮雲遮

初冬散步偶書所見

初冬氣候煖如秋紅樹楓林萬壑稠彷彿武夷宜綵屋

辛勤惠遠為紅樓

時鐸菴大悲閣傾圮其上人有志修葺故云

弄波雙鴨時沉水觸

餌羣魚欲上鈎日午行雲天際起微風著葉已颼颼

歲暮書事次祖望韻

歲晏深居夜擁爐清吟聊復當歌呼不知裘馬輕肥者
得似圖書跌宕無譙鼓風寒聲易凍窗梅月落影誰扶
嗟余本是煙霞客羨殺高人乞鑑湖

為章四十初度三首

高懷不受俗塵羈千載前人事與期曲水流觴逸少帖

弟善書佳處每遍二王

杏花春雨放翁詩

性愛吟咏好句尤近放翁

每逢佳節餽先

具但遇賞心醉不辭愧我適遭紅勒帛

時正報罷

強持栗尾為

修詞

至性無如兄弟真況於氣味更相親生憎性癖偏同調
老愛身閒却避人憐我花時塵在甌飲君竹下月如銀

刺天鸞鵠都休羨髣髴無懷號戇民

為章別號

築得小園屋數椽東軒無事日流連銀塘樹浸芙蓉月
鐵馬輕敲玳瑁煙好客每來居士屐愛茶時悟趙州禪
只今黃菊陶籬滿覽揆人爭羨列仙

道腴堂詩集卷二

道腴堂詩集卷三

海上曹煜曾麓蒿著

男

傑士電發

孫

錫寶鴻書

姪孫堦葉承子敬

姪孫

錫黼誕文

七言律

病起

謝事方知事事閒
開軒卷石便為山
支離瘦骨初扶病
潦倒愁懷暫放顏
鳥雀窺人飛復下
蜘蛛牽網去仍還
閒來自笑真踈拙
日對門前水一灣

初冬雜興二首

小築城南菊滿隄西風蕭瑟葉平溪罷休棋局僧纔去
未了詩篇日又低作態香煙旋復折衝寒鴉陣咽還啼
小鬟忽報蒸梨熟飽食無功愧老妻

近來覓得買山錢半壑煙霞意渺然筏舫酒筍新活計
蒲團柏子舊因緣遶籬有菜堪供箸汲水無童好自煎
宿鳥一聲天欲暝小窗和月枕書眠

東城晴望

新晴登眺此身閒四野蒼茫一望間秀麥翻來疑有浪
綠陰缺處恨無山漁人網截波心去估客帆飛天際還

安得移居村落住花時終日閉柴關

新年紀興次爲章韻四首

椒帖聊吟薦一觴才推繡虎豈能當已慙捺瑟違齊好
直欲行歌類楚狂盃底霞沉烹雀舌匣中電照吼魚腸
紛紛羅綺羣爭艷大布新裁味正長

鶯花取次好評論世上功名付後昆點點簷聲遲過客
垂垂柳意欲搖村休將駿烈誇先德直以耕耘荷 聖
恩却笑情懷殊未減醉依錦瑟黯銷魂

萬戶爭傳署罄宜章縫共慶值清時漫攜野客尋山屐
遍看高人卧雪枝蒼鬢有霜羞結勝艸堂無月懶題詩

林泉可樂閒方覺出處何須更契龜
穿簾日影喜重重又覩連朝煙霧濃
舍北雨深泥滑滑山南雲起鼓鼕鼕
春蔬雪盡紅抽甲野燒風吹綠吐茸
萬物得時都自媚聊憑膏面為修容

曉起

漏聲將盡曉鐘催起覺清光在綠苔
明月已隨花影散輕風忽送鳥聲回
細翻貝葉持心久旋整鶉衣怕客來
更喜兒曹勤課業晨興已到讀書臺

寄趙尊客五首

漳浦人寓居雲間

高人寄跡隱清源一壑煙霞避世喧
投轄風流真好客

倚樓詩句最銷魂荔枝夢斷西河月
鷓鴣聽殘南浦村
端愧腐儒淪落久煩君相訪到柴門

猶記西園共一尊蕭齋煙景正撩人
紅搖燭焰酒波動

綠醉山光樹色勻廿載交遊歸夢想

是日談及樗亭六益諸先輩

百年風

月剩閒身袖中攜得新詩草元白才華未足論

問奇正喜子雲來忽漫驪歌江上催
焦土可憐楚一炬

頽垣空歎劫成灰

時寓清源書院別後適以他事為邑人所焚

滄桑轉眼誰能料世

事何常絕可哀回首昔時真一夢
青山依舊野花開

別去知交又一年近來消息邈難傳
夢中話舊情如昨

醉後懷人倍可憐明月梅花春釀酒
東風茅店夕陽煙

不堪獨上高樓望雲樹微茫隔暮天
五茸城外趙公家共羨衡門樂事賒鴉嘴金鋤晨劬藥
龍頭石鼎夜煎茶百錢杖挂諸峰月斗酒鶯啼別墅花
寄語申江春正好可能重泛海天槎

冬日偶成二首

重陰朝霧送寒威負郭無田生事微貧甚不妨需馬磨
病來未肯泣牛衣木棉霜老花將盡烏柏風高葉正稀
慚愧長庚昨夜夢試啼今已徹閨闈

吾生只合卧煙蘿隙裏光陰撚指過白髮添來嗟老矣
黑貂敝盡奈愁何兒啼忍使寒無備姊病那堪別更多

欲把此心狎鷗鳥不妨短笛着漁蓑

飲世宏弟芳園分韻得九青

桃紅如燒柳青青恰喜攜尊到草亭着眼花光開欲謝
蒸人天氣醉難醒枯枿侵角誰能讓新曲傷春不忍聽
安得僧虔三尺炬連宵相照影娉婷

曉望

敝裘破曉出柴門仰面猶驚宿酒痕枯樹凍雲封遠寺
冷煙寒日淡孤村繪圖欲下蒼生淚望歲空銷野老魂
已是捫心多感慨殘冬蕭瑟更難論

贈張學之

銀臺甲第三吳重回首滄桑感慨多垂老生涯餘白髮
窮年事業付紅螺春風孤館聽禽鳥秋雨疎燈長薜蘿
漫道君才無壽世文成蝌蚪未全磨

穀雨卧病

瘦骨支離屢欠伸素頭書卷半封塵撩人春色渾無賴
憐我鶯聲倍覺親漫道休文惟善病緣知原憲本傷貧
遙思十二闌干外穠艷名花浥露新

連日雨不止

春入池塘綠滿灣雨聲日日到柴關不堪聽處三更後
也有晴時片餉間好景方新催漸去閒愁欲斷滴將還

良天亦是難逢事留取元宵一放顏

喜晤尊客

老卧松筠不可攀重來申浦聽潺湲相逢蠓紫雞黃後
恰在葭蒼露白間蕭索情懷愁裏句模糊雲樹夢中山
爾音莫漫同金玉落帽風前約往還

冬日郊行

鹿鹿勞生暫得閒衝寒聊復破愁顏喜他風物渾如昨
憐我頭顱漸已斑落日倒翻千頃浪亂雲橫抹萬重山
此生不盡行遊興徙倚郊原未忍還

春遊四首

平生最喜是春遊，况值春濃蕩客愁。
碧草魂銷人絕國，翠樓腸斷婿封侯。
偷香蝶惹花爲夢，吮水魚驚柳作鈎。
欲寫韶華無限好，眼前詩句不須搜。
綠遍長堤柳萬絲，短垣深巷最相宜。
妖姬白練催書急，歌館紅牙按曲遲。
數縷新煙寒食後，幾番風雨妬花時。
杖藜扶過小橋去，又見茅簷一酒旗。

一望郊原紫霧中，遊人如醉日初烘。
草侵馬道千蹄綠，水漾鵝羣雙掌紅。
旋喚漁舟過別墅，却緣野服似山翁。
誰家茅屋東風裏，彷彿仙源有路通。
踏青隨意到西城，竹閣松軒逸事生。
可意梨花四五樹

媚人嬌鳥兩三聲，阮孚蠟屐堪乘興。
陶令巾車愜素情，更羨永和修禊後。
至今留得昔賢名。

幽居寄興

肉食何心問大還，敢誇仙骨傲塵寰。
詩吟小閣斜陽裏，意在古松流水間。
無俟馳煙移驛路，有時放鶴到孤山。
閉門客至猶酣睡，一任旁人笑我頑。

寒食

今年寒食三月朔，宿雨初收霽色鮮。
楊柳溪橋芳草岸，杏花村店夕陽天。
已教節物供愁眼，那更風光值禁煙。
自古賢愚同一掬，神方何處覓真仙。

已丑冬病中感舊十首

圍爐擁褐鬢如絲，衰病今年強自持。
客去重尋蝴蝶夢，悶來閑唱鷓鴣辭。
山寒霜後惟餘骨，梅老花疎別有姿。
往事浮雲同昨日，一回相憶一回悲。

執經弱冠好耕鋤，手把牙籤拂蠹魚。
絳帳夜寒三尺雪，綠窗蕉滿八分書。
校讎文字銷長日，來往賓朋慰索居。
十上說書裘敝盡，余赴秋闈八十次矣茂陵風雨病相如。

春申江畔足幽探，童冠追隨得兩三。
送客長堤攀弱柳，聽鶯蕭寺擘雙柑。
飲殘桑落花如綺，下盡牙籌雪更酣。
最是豪華行樂地，風光取次到城南。

詩情我愛陶元亮，筆法人驚王右軍。
此事故應推絕步，後來誰得更超羣。
比紅吟就青油幕，倒薤書成白練裙。
慚愧廿年徒漫浪，迄今猶是歎無聞。

回頭堪笑少年場，桃葉迎來趁晚粧。
花圃軟紅迷蛺蝶，柳塘淺綠戲鴛鴦。
歌殘玉笛魂應斷，舞落金釵興倍狂。
別後相思不相見，那堪一日九迴腸。

虔南作客憶當年，極目河山客思牽。
惶恐灘頭水淼淼，鬱孤臺畔草芊芊。
淋漓石壁坡仙字，搖曳山亭茂叔蓮。

邑有蓮溪書院

更愛秋來風物好，離離橘柚滿簷前。

金蘭結契共磨礱，良友追隨笑語同。
詩擬青蓮推俊逸

才如吏部擅豪雄星躔南國人才聚斗暗豐城劍氣充
此日相逢天下士花前莫放酒杯空

記得東林訪慧遠拈花曾許續禪燈菩提無樹難思議

淨土生蓮有夢徵

余向禮佛嘗夢身坐半空中
蓮花上俯視大地金蓮遍滿

蘇晉長齋依繡

佛裴休古寺喚高僧西來若悟祖師意直上浮屠第一
層

碧天雲淨霧漫漫午夜朝元降綵鸞脫却青衫披鶴氅

笑看章甫換黃冠丹傳龍虎求真訣掌運風雷演法壇

余向從胡雲廬受內
養訣并符籙數種

他日功成雕碧簡玉皇香案列仙官

閉關却掃養天和回想當年感慨多白首羞償文字債

青袍悔把硯田磨閑中風月真知己病裏光陰一擲梭
彈罷朱弦三歎息高山流水竟如何

贈虞山周拜菴次為章韻

旅食無端醉濁醪小樓潑墨興仍豪竹搖疎影翻青玉
松逼寒聲落翠濤愛鼓清徽舒鶴翼為書金剪試鷲毛
重來良會真難得莫漫思歸泛小舸

白薇花次敬三姪韻

舊植薇花發藥新玉樓相對淡粧人鄂君繡被猶嫌俗
荀令爐香可是鄰夢入瓊枝粉蝶亂雪翻疎影鶴翎勻
天公莫放秋風起吹落墻邊滿玉塵

冬夜獨卧有懷

生憎弱骨強支持，襖被蕭條祇獨悲。
愁思都因酒醒後，峭寒全在夜闌時。
誰家樓上臨風笛，何處機邊寄錦詩。
自是客中眠不穩，虛窗孤月數歸期。

同世宏芳園觀桃

乍來疑入武林遊，花似紅霞酒似油。
艷色迎人常帶笑，嬌姿羨爾半含羞。
風聲入樹聽啼鳥，日影臨涯弄釣鈎。
此會不須重秉燭，無邊爛熳豁雙眸。

西城看殘桃

數倩東君着意勤，誰教零落付餘曛。
春風憔悴驚殘夢，

暮雨淒涼憶斷羣。
斜墮碧釵投蔓草，輕拋紅淚溼孤墳。
天公那管騷人恨，來往無情是白雲。

小春夜坐

閒齋和藹罷飛觴，燭剪西窗漏正長。
簾薄月侵花影淡，堂虛風送柝聲涼。
新裁樂府情如贈，老去詩篇興不忘。
此夕因君頻嘯傲，憑將征雁度瀟湘。

簡趙采臣

憶昔同舟江水灣，曾攜蠟屐共躋攀。
春風草綠滕王閣，秋雨猿啼馬祖山。
久客只愁花落去，思家時羨鳥飛還。
而今高卧蓬窗下，萬疊煙雲入夢間。

張睢陽廟

當年血戰真源令自許丹心天地回豈料城孤兵食盡
可憐星隕劍鋒摧江流有恨精靈在陰雨聞聲鐵甲來
今日書生祠下拜英風凜烈掃莓苔

中秋無月

秋半淮南桂未開况逢無月漫徘徊祇聞笛裏吹愁至
幾見樓頭送影來才子吟詩紅蠟盡侯門結客暮鐘催
嫦娥應笑人多事故倩微雲護鏡臺

約浩修姪看桃雨阻有感

相約桃源再踏春無端風雨是今晨吹殘紅粉惟餘淚

滴破胭脂獨愴神映水綠波添錦浪傍堤青草綴花茵
盛衰亦是尋常事辜負騷人訪隱淪

送春次爲章韻二首

朝來扶杖啓荆扉九十春光忽送歸老去感時情慘澹
病中悵別夢依稀一尊酒向風前醉萬點花從愁裏飛
欲寄相思題鳳紙可憐才盡與心違

無限韶華轉眼除離亭讌罷事何如綠章夜奏留春住
紅艷朝看感物疎觸境不須悲白髮薦新且喜食黃魚
試登高閣閒吟望滿目扶疎遶敝廬

初夏

道腴堂詩集卷三
晴和天氣日舒徐野服逍遙慰索居滿院薔薇雨歇後
一池蝌蚪絮飛初厨燒玉版緣留客鄰借青蚨為買書
老我一屢容鬢改題橋終自愧相如

哭為章四首

八十二
歲作

兄弟相依數十春遮須一去隔晨昏他年夜雨傷懷抱
此日寒風凍淚痕池草幾時還入夢鴿原何處為招魂
圖書滿架供欣賞物在人亡忍復論

憶昔芸窗手一編每逢佳景共流連梨花庭院春宵月
柳絮樓臺暮雪天愛客時鋤荒徑草品茶嘗致惠山泉
而今寂寞西風裏回首當年意惘然

生平傲骨自峻嶒一室琴尊足性情流水高山聲宛轉
驚蛇飛鳥筆縱橫樓前窺影臺添頰夢裏逢君淚濯纓
時有綈袍遺范叔只今誰念可憐生

自嗟老去髮蒼蒼寒擁衾裯月到廊每歎我衰惟藥石
豈知爾病入膏肓園花匝誰同賞旨酒馨香孰共嘗
禮罷空王勤致禱願君三業永消亡

道腴堂詩集卷三

道腴堂詩集卷四

海上曹煜曾權高著

男

傑士雷發

孫

錫寶鴻書

姪孫堦葉承子敬

姪孫

錫黼誕文

錫袞補亭同較

五言絕句

過豐城

迢遞南昌道豐城隱若巒何人長倚劒極目夜光寒

春暮即事

春水綠于染春光酒似濃日暄蜂蝶鬧花落影重重

偶成

新綠已盈眸扶疎樹影稠莫愁花落盡紅艷有葵榴

七言絕句

飲永怡堂時畫蘭竹沈小休暨校書李四孃在坐

次祖望弟韻

竹染英皇淚未乾千尋影許月中看更憐有美思公子
譜就騷人九畹蘭

春日有憶

梨花滿院月如鉤笑折花枝上小樓忽憶故人天際遠
思君何日大刀頭

冬閨

寒風颼颼簾幕小裁衣忽憶陽關杳停針獨宿夢難成
孤雁一聲天未曉

草平見絳桃有感

宿雨初晴煙霧收桃紅如燒起人愁去年夜月闌干外
折得花枝笑上樓

玉山道中觀桃花有懷樞臣九和兩兄即寄

桃花歷亂映山溪却憶芳園紫霧迷此夕若逢春草夢
好裁詩句到江西

儲潭別世宏弟三首

道服堂詩集卷四
江干極目悵離羣回首度南隅暮雲今夕片帆潭下宿
丹楓黃葉帶斜曛

吾來正及陽和候荏苒冬初又一年今日贈君無別語
好栽桃李待春妍

崆峒山勢石崢嶸城外雙江雨後清若問官箴何所似
山容水色是分明

和楚烈女徐青鸞絕命詩四首

碧洞相隨伴小姑精靈不死貫金烏莫言神鬼皆虛幻
看取董狐舊姓于

垂淚天涯隔弟兄大江滾滾旅魂驚青楓嶺上王貞婦

留得芳名千載生

側身西望楚雲時漢口黃旗百萬師欲寄冰心歸故里
淚痕血跡滿新辭

謝女生成未及笄貞心那許世人齊惟應獨跨青鸞去
歸到蓬萊閬苑西

贈蒼崖上人

吟詩宛似唐無可妙論仍從悟後來眼底風光春正好
梅花纔過杏花開

獨夜

挑燈兀坐漏沉沉隔竹松風度遠岑滌盡煩囂無我相

一泓澄澈照孤襟

送春次許子遜韻五首

悶對青銅理鬢絲
忽驚春盡送歸時
侍兒折得河橋柳
報道飛花別故枝

欲別臨歧首重回
離筵次第對花開
丁寧囑向東皇道
明歲韶光及早來

少婦明粧艷似花
憑將春意鬪繁華
一聲誰唱陽關曲
愁殺五陵公子家

章臺柳色尚青青
濁酒今宵醉半瓶
只恐歸來添別恨
夜深秉燭向離亭

九點青峰似黛螺
傷心南浦竟如何
楊花也解無情思
散作漫天飛絮多

春盡

小院香來惹恨頻
惜花無力護花茵
東風偏為增愁思
吹落千紅萬紫春

不寐

小閣焚香夜雨催
燒殘銀燭已成灰
蛙聲四起愁難寐
往事無端枕上來

初夏即事二首

今年四月尚餘寒
稀覩青梅剪齒酸
老去未忘宿習在

高燒紅燭看蘇韓

四月清和日正長老翁無事睡為鄉閒身覺後無情思
坐看呢喃燕子忙

先大父麓蒿府君生平吟咏不下數百首每甫脫稿
即為友人持去亦雅不欲以此自多年六旬外先伯
先子暨家叔欲哀次全詩為梓稿之計固以為請終
非府君意不肖十餘歲課誦之暇間學為詩歌問業
于府君府君稍稍示以興觀羣怨之旨恒舉平日得
意作口授不肖不肖即傳寫紙上久之積百有餘篇
然是時府君年八十四矣少壯所賦大半遺忘間有

止憶一二聯者或一兩句者至五七古體了不復記
故今所存祇近體若干首

時雲間董樗亭先生

俞

以詩鳴海內見府君作大加

激賞府君因執贄請業久乃盡得其傳與漳浦趙尊

客先生

炎

互相切劘同為董先生高弟董先生常語

人曰繼吾起者必曹子也

太倉唐東江先生

孫華

評府君之詩曰波瀾格調出

入于東坡放翁而藻思綺語妙處徃徃在韓致堯吳
子華之間東江不妄許人者其推服府君如此

府君之言詩曰作詩境地貴老成然非枯寂乾澀之

謂聲調才情自不可少貌爲老潔者其實中無所有
耳香山劍南並不求工於字句抑何其濳采紛披也
每酒闌漏靜舉錢劉溫李石湖遺山諸家詩以教不
肖不肖才質謏劣深愧無成追憶遺訓爲之泣然
府君嘗一至江右有豫章遊草百首另爲一集遍檢
遺篋卒不可得所存三十餘篇亦皆口授不肖者今
即編次集中

五言如暖日如春霽疎梅半鳥侵疊浪濃雲卷寒風
宿霧旋浮雲看世態流水淨禪心鳥弄窗間日香消
夜半燈放鶴深溪綠雨花講院紅曉風吹夢斷夜雨

滴愁來七言如多來春色濃于酒盡放桃花爛似霞
燭花光淡有無月樹影枝橫上下階風卷殘紅花下
路鳥啼新綠竹間聲留將新葉邀鶯住刪却繁枝待
月來兩岸綠陰啼鳥樹一帆春雨落花潮芳草落花
人去後晴窗新綠月移時幾度雪消驚鬢改一番花
信又春歸煙鎖鳥聲松葉冷笛殘牛背夕陽閒逃禪
僧定雲間寺採藥花深雨後山暮雨草生江上夢晝
眠雲在閣中看鴨綠池頭棋一局鶯黃盃底月三更
凡數十聯皆生平苦心烹鍊之作惜全首都不得復記
因附載簡末云

不肖孫錫寶百拜謹識

道腴堂詩集卷四

有跋

昔人序曲江之詩曰其言造道雅正冲澹體合風騷紫
陽論蘇州詩曰氣象近道由是觀之詩固必飫於道也
飫於道則心瑩而氣和心瑩而氣和則詞婉旨遠而音
節諧雖云詩有別趣非關理也要必與理融而後有不
關理之趣故或謂昌谷稍加以理奴視風騷不難信乎
有道之言固非使才使氣者之所可並也吾乃今於麓
蒿先生而益信余少從黃門外舅游即聞先生之概其
後託甥館得見赤松虛堂超然三先生動協渠獲學有
源本時劒亭中書昆弟方幼才氣燦發而能自斂抑於
先生庭訓所涵濡益歎先生之道之尊信不可及先生

抱其道未得施而晚年閉戶課孫怡然無悶望以益高
先生既往風采馨歎不可得見所可見者惟詩耳戊辰
夏劔亭以手錄本郵寄誕文屬為校對得盡讀之和平
夷宕信乎其飫於道者深也然飫於道而不為迂談腐
語趣之不關理者未始不兼具焉斯真為有道者之言
耳識者謂先生之詩傳矣而道終蘊而未舒其在劔亭
哉從孫壻葉承謹書

吾邑言詩者咸以為先祖詩似放翁春浦叔祖詩似
鐵崖而皆源本於伯祖麓蒿先生蓋伯祖之於詩粹
矣伯祖之學無所不窺詩又得樗亭先生之傳源流
派別窮搜遐契而融其精液灑然出之不名一家昔
吾祖每逢花晨月夕必招諸名家與昆弟子姪飲酒
賦詩伯祖靜吟一篇輒探驪珠諸名家無不交相引
重吾祖與叔祖雖中年以後每有所作必質之伯祖
伯祖亦以論詩為樂推勘至微嘗至除夕猶與吾祖
叔祖相唱和意泊如也平生不趨聲利而於制度之
沿革生民之利病皆勤求而切究嘗思一用於世以

舒其蘊顧數上省門未獲一遇人咸謂詩人之信多窮也伯祖壽八十餘先祖與叔祖皆歿矣猶強飯晚年學益粹德益高閉門獨居不交一客而隱然係遠近藝林之望吾祖與叔祖皆嘗手訂詩稿幸得留遺而伯祖獨棄去不一錄殆不欲僅以詩人見也然其詩實足以傳自伯祖歿一時尤迫欲見之幸從兄劔亭從口授之餘手錄百餘篇亟付之梓人雖吉光片羽亦已可占大概云從孫錫黼謹識

世

